

莆陽樂府

清蕭重撰

序

莆田海濱僻壤耳宋明盛時文物與上國埒然科第名位不過赫奕一時而惟其忠孝氣節卓然可傳國史登之邑乘誌之後之人有述焉非僅世之所艷而稱也

蕭遠村徵君以畿輔名士來尉吾邑政餘讀書志行不少自貶屈因取唐宋以來邑之傳人軼事作為樂府如千首知人論世義正詞醇真可以砥礪末流鍼砭庸陋而興起今日之吾莆也余生長是邦敢不知所自勉哉

衛光乙酉正月既望治愚弟陳池養拜題

題詞

十年宦海苦吟詩只為官閒句益奇地有離支甘不隱心傷香草託相思翻將樂府古花樣幻出莆陽新竹枝寄語使君莫惆悵不

平東野首曾悲

治教弟鄭世倌拜稿

題詞

莆陽富文獻先生博古今一官寄山城終日搜縣譜閒將舊掌故  
翻成新樂府小或及蟲魚大亦關君父群怨逮興觀義本葩經取  
直欲繼風騷豈但工雜俎鐵屋與西堂不愧詩中虎可惜良史才  
鬱鬱困茲土吟齋號小還詩卷題夢雨蘭生空谷中羞與衆草伍  
我亦淪落人長調心獨拊酒酣擊唾壺聞雞常起舞握手便傾心  
披雲快先覩遊履徧山川煙水數聲鶻不耐鯁生狂譚詩味甘苦  
讀罷綴短章雷門慙布鼓

竹莊汪祥生

小引

莆陽稱文獻之邦、蘭水壺山、毓奇鍾異、較閩中諸山川為獨秀、以故歷代以來、多磊落欽岑之士、而文章甲第冠八閩焉、余嘗據撫舊事、作莆口紀、開一冊、多邑乘所不載、秘之枕中、以備他日夜譚之助、未敢以示人也、今秋株守空齋、日與楮墨相狎、因仿展成先生明史樂府之例、擬作數十章、語質而意淺、聊以紀其事蹟、非敢寓褒貶也、若云竊比前人、則敬謝不敏矣、

道光甲申閏七月七夕日

擬莆陽樂府

會川

蕭

重

遠村

三先生

南湖三先生、白眉推恩叟、中郎別駕斷輪手、如驂之靳、相左右、辭徵辟、甘沉淪、陳太府、唐逸民、晉處士、陶徵君、海隅倡學、終其身、云何清籟編、乃以冠唐賢、夷齊之節、高弗傳、元史乃傳、元遺山、

陳太府卿鄭露字恩叟，偕弟中郎將莊，別駕淑，入莆倡學人。  
稱南湖三先生。

樓東怨

梅妃生長梅花村，玉為肌骨冰作魂。力士道入上陽門，驚鴻舞罷  
入溫存。玉環一入長生殿，君王日夜耽荒讌。美人寂寞感前賦，  
罷樓東淚如霰。一斛明珠萬斛愁，湘簾懶上珊瑚鉤。竹鹽不設慵  
梳洗，烏鵲無聲怨女牛。當日空存茂陵手，青蓮子美才八斗。長門  
不肖破千金，淪落宮中嘆白首。

江采蘋，莆田江東鄉人。高力士選入上陽東宮，楊妃入宮，失  
寵，作樓東賦以自傷。

豈汝礪

韋臯去，劉闢叛。狼子野心不可諫，推官慷慨撻其鋒。霜刀三尺風

雲變風雲變甘喋血殺則殺耳心如鐵礪復礪子頭匪石司農笏  
巢父首真卿劍昌黎口生死雖殊途堅貞同不朽嗟乎豎子跋扈  
空自焚將軍新拜高崇文

劉闢之叛推官林蘊力諫闢怒欲斬之而陰戒行刑者勿殺  
但數斫于其頸欲屈服而赦之蘊叱曰殺即殺吾頭豈汝礪  
吾耶闢曰忠義士也乃黜之

### 駕驢吟

咫尺視九洲黃金高山丘楚人山雞宋燕石騏驎爭及駕驢優昌  
黎公同心子柳柳州外屈一指崔羣李觀安可比鄉園登第第三  
人薛林以後才絕倫伯樂一顧空其群低頭不見高城闕停雲零  
雨空酸辛

曹能始云昌黎之交游如崔群李觀輩著作不少概見又如

↓孟郊賈島張籍李賀有著作矣而調未必合當時分曹而立者其  
↓柳柳州乎而步趨不失尺寸者其歐陽行周乎觀二公之駕驥吟  
↓相須固甚殷也

蘭陵詩話云昌黎謂閩人舉進士自歐陽詹始唐史因之不知貞元七年莆人林藻已先及第其前更有福安薛令之神龍二年進士

又云行固至性孝友見稱于昌黎其人品已足信矣霧居子乃有太原鬬髻之謗陳振孫已辯之至其高城已不見况復城中人之句為証香草美人風人之旨况此詩並無艷語安知非停雲零雨之章耶

### 霧居子

霧居子山中卧白板門黃巢過見豎儒賊所唾此儒家也剝弗利

捲旗滅炬紛然避，逢掖之衣竟得計。兩石不及一丁字，名士錄今不傳。詰屈支離持論偏，函髻曾謗歐陽詹。

霧居子黃璞別號也。黃巢克建州日，軍中謠曰：逢儒則辱，師必覆。及過璞家，令曰：此儒家也。滅炬弗焚，璞著閩中名士錄，今不傳。

### 呼徐譚

不必呼徐譚，青山皆我有。何用苦相侵？今昔一回首，萬斛之舟丈尺水。幡然拂袖歸鄉里，延壽溪頭老釣磯。夢逐西風泛蘋芷，哀哉劉後村也。被梅花累，世事已滄桑，先生且休矣。

徐寅字昭夢，登第後值中原多故，歸里。依王審知後，禮貌少衰。

嘆曰：丈尺之水，前陂後堰，安能容萬斛之舟乎？拂衣而歸，隱于延壽溪上。人稱其地為徐譚。劉後村嘗有詩云：門外青山皆我有，從今不必呼徐譚。夜夢寅拊其背曰：我昔勝君昔君。



今勝我今有隆還有替何必苦相侵

補族弟

小人未得志、彊顏攀族系、龍圖學士本文人、冒以非類汚彝倫、通譜之風見前史、石孫侯李難屈指、彼以名聞附小人、此乃小人附君子、它年災手可熱、競彼猖狂、拜見人更大父行、

君謨元長本非一族、宋史本傳云、蔡京與同郡而晚出、欲附名聞、自補族弟、

石璪附石勒、侯瑱附侯景、李揆附輔國、孫弼附孫秀、皆以名聞附小人者、

二處士

西湖二處士、和靖與徐復、萬松嶺上沖晦居、白雲盡日封岩簾、通陰陽、精音律、禽星卦象、胸中熟忘年共唱滄浪曲、妻梅子鶴、鬻通

仙更有高人澹如菊。

徐復隱居西湖，賜號冲晦處士，精音律，兼通天地陰陽遁甲，占射諸家之學。與林和靖為忘年之交，往來唱和。冲晦居萬松嶺，和靖居孤山，夾湖相望，人美為神仙。

### 蘇湖曲

蘇湖里許，鄉林山夾際著書於其間，四圍密翠交回環。樵夫牧豎相登攀，路逢童子曬書還。為道先生正午眠，通志畧二十編。海上書龍垂涎攫之，七日歸南泉。歸南泉，今烏有墓門。松柏嗟枯朽，鼠牙雀角君知否。

林登名甫與紀勝云：去蘇湖里許，鄉林山上有舊有草堂，為夷滌著書處。今風雨之夕，取薪山上，著時見先生讀書堂中。雨晴日出，輾輒見二童晒書于舊址，迫視之，忽不見。生尚有

未刻書三十餘種。唐人鄭南泉載以渡海，沉于水中，七日復湧出。南泉有詩紀其事，今不知流落誰手。

### 文武魁

兩狀元分文武，兩進士本同譜。弟聯兄，孫繩組。昭夢九原笑且舞。同里薛生應武舉，鷹揚宴占瓊林伍。魁天下，羨英雄。科名遂甲八閩中，亦有一科五。魁揚英風，壺山蘭水流無窮。

徐鐸與兄說同登進士，昭夢孫也。時有龍虎榜中孫嗣祖。鳳皇池上弟聯兄之稱。是年里人薛真應武舉，亦中狀元。神宗大喜，賜詩曰：一方文武魁天下，四海興英雄入彀中。

### 咏梅詞

孝功郎善趙鼎賊檜嫉之，投南嶺梅花一闕，多悲哽。蠻煙瘴雨愁孤影，好近事，眼兒媚。五羊城下，懸支淚，等閒拋卻。雙翡翠，斷腸從

此各西東何日相逢滄海中

黃公度官考功員外郎與丞相趙鼎善秦檜忌之泉幕任酒  
赴調知不見客過分水嶺題詩云嗚咽流泉萬仞峯斷腸從  
自各西東誰知不作多時別依舊相逢滄海中時趙丞相已  
謫潮陽譏者撫拾此詩以為謂趙與已不久當偕還都中也  
檜亦怒遂以嶺南荒惡地處之公作詠梅詞以自況  
師憲有二姬曰倩倩曰曉曉皆殊色洪丞相造作眼兒媚詞  
贈之公有好近事詞云莫把歌羣舞扇等閒拋却蓋指二姬  
也

### 巍石山

巍石山下陣雲深巍石山上將軍吟將軍百戰頭未白繞梁裂石  
廣唐音我從將軍叨末座黃鐘曾許巴人和將軍好武復好文雅

歌投壺意倍奇，寃三字莫須有。藏刀歸作田園叟，重過舊地思將  
單。摩挲故墨血三斗，吁嗟乎！祀國之人枉憂天。當年悔不作施全，  
劉政字牧之，建炎中登五科，年十七在兵間，大小三十餘戰，  
皆捷。從岳武穆破曹成平楊么，暇日登臨賦詩，相與唱和。嘗  
同遊魏石山龍居寺，武穆有詩，政依韻和之。及武穆遇害，政  
邀遊山水間，一日過其地，愴然有懷，又依韻賦詩曰：重來舊  
遊地，觸目景漆幽。故墨留餘地，跡忠臣已斷頭。踈鐘號暮雨，  
枯木響殘秋。欲訴愁人意，頻添杞國憂。

梅花累

放翁曾抱南園恥，後村又為秋壑起。文人失足入豪門，閒花野草  
都成累。當年四水勢崢嶸，落梅一曲風波生。不附大成附似道，晚  
年勿乃急功名。何如柳桃兩不識，田園散誕便簪笠。門外青山林

上書江城自弄梅花笛

劉後村令建陽日咏落梅云東君謬掌花權柄却忌孤高不主張梁大成以為怨望由此閒廢十年後有訪梅詩云夢得因桃却左遷長源為柳忤當權幸然不識桃兼柳也被梅花累十年後村晚年為賈似道起

竹生刺

樹年枝竹生刺西湖邊兩奇事英靈姿忠憤氣武穆忠肅同一致夢裏貽書來首為交代計前身與後身其理多荒異朱仙鎮上奸謀濟興化城中叛臣棄死為宋鬼生宋臣手製兩旗狗戰地分屍檜木棉庵草木有幸有不幸忠奸各以其人傳鄭鼎白哭欲死蒲壽庚豎子耳

南太學為武穆故第相傳土神乃岳侯也陳忠肅文龍在大

學時夢岳侯請代自謂必死悒悒不樂後登第貴顯不復記  
憶及在興化募兵忽夢岳侯貽書首言交代甚駭愕未幾叛  
將獻城被俘北去即不飲食將至杭杭人夢兩街騎從甚盛  
傳岳侯代者至視之則公也既至拘于太學是夕卒葬於智  
果寺旁墓即生竹竹皆刺人謂公為武穆後身參軍鄭鉞記  
忠肅事詞甚憤激又哭以詩結句云孤臣萬死原無恨獨怪  
山翁總不知蓋刺蒲壽庚也

### 纈雲詞

陳旅文世無比馬祖常何愛士相看傾倒贈新詞一登龍門聲價  
起關山高兮關江深布衣何幸遇知音吁嗟乎世間不乏青雲客  
嬖辭紅塵傷落拓愛才不逢馬使君自着皮履行南陌

馬祖常使閩見陳旅文而奇之作纈雲詞贈之云纈雲織波

謝金水、郎君水西着皮履、南陌紫塵十丈高、將鬻買酒意氣、豪萬里、將書憑好鳥、荔支子、顚團團小、天津不隔少微星、閨闔門開夜光曉、力勸其遊京師、與虞伯生交譽之名、遂大著、雪庵庵戮

洪武相監獄、長陵革除刑、是父生是子、十年碧血腥、齊黃之輩、固足誅、鐵景諸人忘其罪、加一身祇大辟、剥皮入鼎、奚為乎、亦有甫口忠竟、陳雪庵死持大義、死亦甘、殺其身、剗其肉、揚其灰、碎其骨、灰募之抄、傾其族、當時待士何其酷、三百年來國事感、豺狼汨酒當福祿

鄭蘭陵云、燕王殺戮革除諸臣、備極慘毒、景清之剥皮、鉄鉗之油鼎、司中之鉄帚、刷骨、其他割舌截鼻、斷手足者、難更僕數、昔人陳繼之、字雪庵、遭碎骨揚灰之慘、嗚呼酷矣



鵬

爭狀元

君有問臣百對彼狀元恐不逮請再試決勝敗如此狂生吁可恠  
憑軒策之勿介介雲臺名將聖門賢一一條畚如湧泉此才不用  
宰相過坐以誕妄投荒烟吁嗟乎才有餘器不足年少長沙空賦  
鵬當日林絢齊亦嗤臺閣俗放歌縱酒南山麓

莆人陳實與林環爭狀元上言曰百問百對林環祇一問一  
對耳上使學士解縉策之以孔門七十二賢賢賢何德雲臺  
二十八將將將何功為問實操筆而就條對詳明時林環亦  
能對實坐狂妄戍邊

朱竹垞云林絢齊未第之先縱酒自放雖在玉堂無臺閣氣  
彼毫矣

彼毫矣吾方壯奪其祿將安養病中磨蝎將誰謗似此斗升宜相